

KOMISIJA ZA PRIPREMANJE PRIJEDLOGA ZA IZBOR
AKADEMSKOG OSOBLJA U ZVANJE ASISTENT NA OBLAST BOTANIKA

VIJEĆU POLJOPRIVREDNO-PREHRAMBENOG FAKULTETA
UNIVERZITETA U SARAJEVU

POLJOPRIVREDNO-PREHRAMBENI FAKULTET
SARAJEVO

Primljeno: 23-10-2020			
Opis	Broj	Godina	Podpis
	2279		

Predmet: Izvještaj komisije za pripremanje prijedloga za izbor akademskog osoblja u naučno-nastavno zvanje asistent na oblast *Botanika*

Na osnovu člana 106. Zakona o Visokom obrazovanju („Službene novine kantona Sarajevo“, br 33/17) i Statuta Univerziteta u Sarajevu, Vijeće Poljoprivredno-prehrambenog fakulteta univerziteta u Sarajevu je donijelo Odluku br. 01-6-2065/20 od 05.10.2020. godine o formiranju Komisije za pripremanje Prijedloga za izbor akademskog osoblja u naučno-nastavno zvanje asistent na oblast Botanika – jedan izvršilac sa punim radnim vremenom, u sastavu:

1. Prof. dr. Dejana Džigurski, redovni profesor Poljoprivrednog fakulteta u Novom Sadu na predmetu Botanika, uža naučna oblast Botanika, **predsjednik**,
2. Prof. dr. Mirha Đikić, redovni profesor Poljoprivredno-prehrambenog fakulteta Univerziteta u Sarajevu za naučnu oblast Biljna poljoprivredna proizvodnja, **član**,
3. Doc. dr. Senad Murtić, docent Poljoprivredno-prehrambenog fakulteta Univerziteta u Sarajevu za naučnu oblast Fiziologija biljaka, **član**.

Nakon uvida u dostavljenu dokumentaciju od strane Komisije za otvaranje prijave prispjelih po Konkursu za izbor asistenta na oblast Botanika od 13.10.2020. godine, navedena komisija podnosi Nastavno-naučnom vijeću Poljoprivredno-prehrambenog fakulteta u Sarajevu sljedeći

IZVJEŠTAJ

Na raspisani Konkurs Univerziteta u Sarajevu, koji je objavljen 17.09.2020. na web stranici Fakulteta i Univerziteta u Sarajevu, i u dnevnim novinama Oslobođenje, prijavilo se šest kandidata, kako slijedi:

1. Kandidatkinja **Nermina Sarajlić**, rođena 15.04.1982. godine u Sarajevu.

Uz Prijavu na Konkurs, sa spiskom dostavljene dokumentacije, kandidatkinja je dostavila sljedeće dokumente i dokaze: Biografiju, Izvod iz matične knjige rođenih, Uvjerenje o državljanstvu, Diplome o završenom I i II ciklusu studija na Poljoprivredno-prehrambenom fakultetu u Sarajevu, sa dodacima diplomama iz kojih se vidi da je I ciklus studija završila na Odsjeku Biljna proizvodnja, smjer Voćarstvo i vinogradarstvo 2008. godine, sa prosječnom ocjenom **8,83** i dobila zvanje Bachelor

poljoprivrede. Na predmetu Botanika koji se sluša na prvoj godini kandidatkinja je imala ocjenu deset (10). Drugi ciklus studija je također završila na Odsjeku Biljna proizvodnja, smjer Floristika i pejzažno oblikovanje 2010. godine, sa prosječnom ocjenom **9,33** i dobila zvanje magistar poljoprivrede. U biografiji je kandidatkinja navela da je rukovodila/učestvovala u 21 projektu iz domene bioloških nauka, od čega su četiri projekta vezana za zaštitu biodiverziteta. Do sada je objavila 47 radova u naučnim časopisima, učestvovala u izradi četiri studije, sa radovima učestvovala na 68 konferencija, kongresa i simpozija, učestvovala u izradi 9 knjiga i priručnika. Bila je demonstrator na Poljoprivredno-prehrambenom fakultetu na predmetima Ukrasno bilje i parkovi I i II. Upisala je i doktorski studij na Prirodno-matematičkom fakultetu Univerziteta u Nišu, Department za biologiju i ekologiju. Engleski govori odlično, španski i francuski srednje, a za njemački posjeduje osnovno znanje.

2. Kandidat **Samir Husić**, rođen 15.11.1991. godine u Sarajevu

Uz Prijavu na Konkurs, sa spiskom dostavljene dokumentacije, kandidat je dostavio sljedeće dokumente i dokaze: Biografiju, Izvod iz matične knjige rođenih, Uvjerenje o državljanstvu, Diplome o završenom I i II ciklusu studija na Poljoprivredno-prehrambenom fakultetu u Sarajevu, sa dodacima diplomama iz kojih se vidi da je I ciklus studija završio na Odsjeku Biljna proizvodnja, smjer Voćarstvo i vinogradarstvo 2015. godine, sa prosječnom ocjenom **7,31** i dobio zvanje Bachelor poljoprivrede. Na predmetu Botanika koji se sluša na prvoj godini kandidat je imao ocjenu sedam (7). Drugi ciklus studija je također završio na Odsjeku Biljna proizvodnja, smjer Održivo upravljanje zemljištem i ruralnim prostorom 2019. godine, sa prosječnom ocjenom **8,59** i dobio zvanje magistar biljne proizvodnje.

U ostaloj priloženoj dokumentaciji nalaze se: Uvjerenje Federalnog ministarstva za pitanje boraca i invalida odbrambeno-oslobodilačkog rata iz kojeg se vidi da je Husić Hakija bio u evidenciji Grupe za pitanja evidencije iz oblasti vojne obaveze za područje općine Visoko, Popis naučnih radova (dva), Certifikat o obavljenoj praksi na Ege Univerzitetu u Turskoj, Erasmus+program Philips Univerzitat Marburg Njemačka, Erasmus+program Masaryk University Brno Češka, Naučni saradnik na implementaciji projekta „Training and regula activities for Demo Plots of Berry Fruits for 2015“, naučni saradnik na implementaciji projekta „Fostering Agriculture Markets Activity“, predsjednik Asocijacije studenata Poljoprivredno-prehrambenog fakulteta, certifikati Mensa IQ, Tempus projekat (ljetna škola) pčelarstva, Dijalog o klimatskim promjenama, najbolji debatant Univerzitetske debate, osnove web dizajna. U biografiji je naveo da mu je znanje za engleski jezik na nivou C1 a njemački B1.

3. Kandidatkinja **Sumedina Spahić-Vukojević**, rođena 15.12.1989. godine u Gradačcu

Uz Prijavu na Konkurs, sa spiskom dostavljene dokumentacije, kandidatkinja je dostavila sljedeće dokumente i dokaze: Biografiju, Izvod iz matične knjige rođenih, Uvjerenje o državljanstvu, Diplome o završenom I i II ciklusu studija na Poljoprivredno-prehrambenom fakultetu u Sarajevu, sa dodacima diplomama iz kojih se vidi da je I ciklus studija završila na Odsjeku Ekonomika poljoprivrede i prehrambene industrije, smjer Ekonomika agroindustrije 2011. godine, sa prosječnom ocjenom **8,54** i dobila zvanje Bachelor poljoprivrede. Na predmetu Botanika koji se sluša na prvoj godini kandidatkinja je imala ocjenu devet (9). Drugi ciklus studija je također završila na Odsjeku Ekonomika poljoprivrede i prehrambene industrije, smjer Ekonomika agroindustrije 2013. godine, sa prosječnom ocjenom **9,06** i dobila zvanje magistar poljoprivrede. U ostaloj priloženoj dokumentaciji nalazi se Diploma doktorskog studija odsjeka za Poljoprivrednu ekonomiju dobijena na Univerzitetu Selčuk, Turska. Ista diploma je nostrificirana 2019. godine na Univerzitetu u Sarajevu. U biografiji

kandidatkinja navodi da od stranih jezika govori engleski i turski, da je učestvovala na tri konferencije sa radovima i na 12 različitih treninga i seminara.

4. Kandidatkinja **Lejla Hodžić**, rođena 10.04.1991. godine u Sarajevu

Uz Prijavu na Konkurs, sa spiskom dostavljene dokumentacije, kandidatkinja je dostavila sljedeće dokumente i dokaze: Biografiju, Izvod iz matične knjige rođenih, Uvjerenje o državljanstvu, Diplome o završenom I i II ciklusu studija na Poljoprivredno-prehrambenom fakultetu u Sarajevu, sa dodacima diplomama iz kojih se vidi da je I ciklus studija završila na Odsjeku Biljna proizvodnja, smjer Voćarstvo i vinogradarstvo 2013. godine, sa prosječnom ocjenom **9,38** i dobila zvanje Bachelor poljoprivrede. Na predmetu Botanika koji se sluša na prvoj godini kandidatkinja je imala ocjenu deset (10). Drugi ciklus studija je također završila na Odsjeku Biljna proizvodnja, smjer Voćarstvo 2016. godine, sa prosječnom ocjenom **9,68** i dobila zvanje magistar poljoprivrede. U ostaloj priloženoj dokumentaciji nalaze se dvije srebrne značke Univerziteta u Sarajevu, jedna najboljem studentu prvog ciklusa studija Poljoprivredno-prehrambenog fakulteta izdata 2013. godine i druga najboljem studentu prvog i drugog ciklusa studija Poljoprivredno-prehrambenog fakulteta izdata 2016. godine. Također je kandidatkinja priložila certifikat o poznavanju osnova rada na računaru i Uvjerenje o položenom ispitu općeg znanja izdato od strane Agencije za državnu službu. U biografiji je kandidatkinja navela da je od septembra 2014. do maja 2016. godine radila kao stručni saradnik na projektu koji je implementirao Fakultet na oglednom poligonu Butmir. Bila je demonstrator na predmetu Pedologija, učestvovala na tri simpozija i kongresa, kao koautor objavila četiri rada. Znanje engleskog jezika je na nivou B2.

5. Kandidatkinja **Indira Omerspahić**, rođena 06.02.1995. godine u Goraždu

Uz Prijavu na Konkurs, sa spiskom dostavljene dokumentacije, kandidatkinja je dostavila sljedeće dokumente i dokaze: Biografiju, Izvod iz matične knjige rođenih, Uvjerenje o državljanstvu, Diplome o završenom I i II ciklusu studija na Poljoprivredno-prehrambenom fakultetu u Sarajevu, sa dodacima diplomama iz kojih se vidi da je I ciklus studija završila na Odsjeku Zootehnika, smjer Animalna proizvodnja 2016. godine, sa prosječnom ocjenom **6,95** i dobila zvanje Bachelor poljoprivrede. Na predmetu Botanika koji se sluša na prvoj godini studija kandidatkinja je imala ocjenu sedam (7). Drugi ciklus studija je također završila na Odsjeku Zootehnika, smjer Animalna proizvodnja 2018. godine, sa prosječnom ocjenom **8,29** i dobila zvanje magistar poljoprivrede. U ostaloj priloženoj dokumentaciji nalazi se Rješenje Federalnog ministarstva za pitanje boraca i invalida odbrambeno-oslobodilačkog rata iz 2012. godine u kojem se navodi da se Omerspahić Hamedu priznaje svojstvo ratnog vojnog invalida X grupe sa 20% vojnog invalideta.

6. Kandidatkinja **Amela Đuderija**, rođena 09.10.1995. godine u Sarajevu

Uz Prijavu na Konkurs, sa spiskom dostavljene dokumentacije, kandidatkinja je dostavila sljedeće dokumente i dokaze: Biografiju, Izvod iz matične knjige rođenih, Uvjerenje o državljanstvu, Diplome o završenom I i II ciklusu studija na Poljoprivredno-prehrambenom fakultetu u Sarajevu, sa dodacima diplomama iz kojih se vidi da je I ciklus studija završila na Odsjeku Prehrambene tehnologije, smjer Prehrambene tehnologije 2017. godine, sa prosječnom ocjenom **7,76** i dobila zvanje Bachelor prehrambene tehnologije. Drugi ciklus studija je također završila na Odsjeku Prehrambene tehnologije, smjer Tehnologija proizvoda biljnog porijekla 2020. godine, sa prosječnom ocjenom **8,52** i dobila zvanje magistar prehrambene tehnologije. U ostaloj priloženoj dokumentaciji nalazi se Uvjerenje Federalnog ministarstva za pitanje boraca i invalida odbrambeno-oslobodilačkog rata u kojem se navodi da se Đuderija Iđenita vodi u službenoj evidenciji Grupe za pitanja evidencije iz oblasti vojne obaveze za područje općine Novi Grad i uvjerenje Ministarstva odbrane iz 1997. godine

da je Đuderija Veiz bio borac OSBiH. Kandidatkinja je priložila i potvrde u kojima stoji da je bila demonstrator na predmetima Tehnologija proizvoda biljnog porijekla I, Tehnologija proizvoda biljnog porijekla II, Funkcionalna hrana, Prerada voća i povrća, Uzgoj i prerada gljiva. Tu je i Certifikat o školi sirarstva iz Slovenije, učešće na 30. naučno-stručnoj konferenciji poljoprivrede i prehrambene industrije u Sarajevu 2019. godine, certifikati o učešću na trećem i četvrtom studentskom kongresu HIZ i certifikat o završenoj edukaciji Food safety 2017. godine. U biografiji navodi znanje engleskog jezika nivo C1, jedan objavljen naučni rad u časopisu i tri učešća na kongresu.

Mišljenje i prijedlog

Na osnovu uvida u priloženu dokumentaciju, Komisija iznosi sljedeće:

- Kandidati Samir Husić i Indira Omerspahić imaju prosjeke prvog ciklusa studija niže od 8, prosjeke oba ciklusa zajedno (300 ECTS) takođe niže od 8 i time ne zadovoljavaju uslove konkursa za izbor asistenta.
- Kandidatkinja Amela Đuderija ima prosjek I ciklusa niži od 8, pa time ne zadovoljavaju uslove konkursa za izbor asistenta.
- Preostala tri kandidatkinje imaju oba prosjeka iznad 8 što je po Zakonu o Visokom obrazovanju („Službene novine kantona Sarajevo“, br 33/17) i Statutu Univerziteta u Sarajevu uslov za izbor u nastavno-naučno zvanje asistent.


Na osnovu detaljnog pregleda dostavljene dokumentacije, Komisija daje prednost kandidatkinji **Nermini Sarajlić**, potvrđujući to slijedećim činjenicama:

1. Pored općih zakonskih uslova, kandidatkinja ispunjava uslove utvrđene članom 96. Zakona o visokom obrazovanju za izbor u naučno-nastavno zvanje asistenta. Završila je odgovarajući I i II ciklus studija na Poljoprivredno-prehrambenom fakultetu sa prosječnim ocjenama **8,83** odnosno **9,33**. Oba ciklusa studija je završila u roku, i ima ostvaren prosjek oba ciklusa **9,08**;
2. Ima iskustvo u pisanju naučnih i stručnih radova. Do sada je objavila 47 radova, od kojih se 35 odnosi na istraživanje flore, a imala je izlaganja na 68 konferencija, kongresa i simpozija;
3. Kandidatkinja je učestvovala u projektima o biodiverzitetu (četiri);
4. Kandidatkinja je radila kao demonstrator na Poljoprivredno-prehrambenom fakultetu u Sarajevu na predmetima usko vezanim za oblast Botanika;
5. Aktivno govori engleski jezik;
6. Na Prirodno-matematičkom fakultetu Univerziteta u Nišu je na doktorskom studiju na Departmentu za biologiju i ekologiju.


Uvažavajući navedeno, Komisija predlaže Nastavno-naučnom vijeću Poljoprivredno-prehrambenog fakulteta u Sarajevu da **Nerminu Sarajlić**, magistra poljoprivrede, izabere u zvanje asistenta na oblasti *Botanika* jer ispunjava sve uslove Zakona o visokom obrazovanju, te pravila Univerziteta u Sarajevu i Pravila Poljoprivredno-prehrambenog fakulteta.

Članovi komisije:

1. Prof. dr. Dejana Džigurski



2. Prof. dr. Mirha Đikić



3. Doc. dr. Senad Murtić

